



COMUNE DE S'ULUMEDU

Provìntzia de Tàtari

VERBALE DE DELIBERATZIONE DE SA GIUNTAN° 62

de SU 07/07/2022

Ogetu: APROVATZIONE ISHEMA DE CUNVENTZIONE CUN SA NUOVASCUOLA INTERNAZIONALE S.R.L. DE TÀTARI PRO SA CUNTZESSIONE DE PATROTZÌNIU GRATÙITU E S'ATIVATZIONE DE CURSOS INFORMÀTICOS DE BASE E AVANTZADOS

S'annu duamìgia bintiduos sa die 07 de su mese de trìulas a sas oras 16:40, in sa Domo Comunale s'est riunida sa Giunta a sa presèntzia de:

FAEDDA, Mario Antonio	Presente
SIFFU, Salvatore	Presente
PINNA, Gianluca	Presente
SABIU FERNANDO	Presente
PODDA LAURA	Presente

Partètzipat cun funtziones consultivas, referentes e de assistèntzia e contivìgiat sa verbalizatzione (art. 97 comma 4, lìtera a de su T.Ù. 8 de austu de su 2000 n° 267), su **Segretàriu Generale: Dr. Giuseppe Manca.**

Su Presidente **Av. Mario Antonio Faedda**, in calidade de Sìndigu, declarat aberta sa setziada a pustis de àere averiguadu su nùmeru legale de sos interbènnidos e passat a sa tratatzione de s'argumentu de su cale in s'ogetu.

SA GIUNTA COMUNALE

Bida sa proposta de deliberatzione n. 2022/38 de su 07.07.2022;

Apretziadu de dèvere promòvere s'alfabetizatzione informàtica e s'isvilupu de sas cumpetènzias digitales a in intro de sa comunidade sulumedesas, pro cunsentire s'achisizione de sas tzertificatziones relativas, chi si podent impreare in su mundu de su traballu, e pro agiudare sa sotzializatzione, chi semper prus s'isvilupat puru pro mèdiu de s'impreu de canales telemàticos, in su caminu de sa finalidade istatutària segundu su cale "Su Comune promovet s'isvilupu e su progressu tzivile, sotziale, econòmicu e culturale, cun atenzione particolare indirizzata a sos sugetos prus debiles de sa Comunidade pròpia, ispirende si a sos balores e a sos printzìpios de sa Costituzione" (art. 2 de s'Istatutu Comunale);

Bida a custu propòsitu s'oferta formativa cun rechesta de patrotzìniu gratùitu, dae parte de sa Nuova Scuola Internazionale s.r.l. de Tàtari, chi pertocat percursos formativos ispetzìficos siat a livellu base chi avanzadu;

Leadu atu chi sa Nuova Scuola Internazionale est *test center* in su territòriu, pro su rilàsciu de sas tzertificatziones ECDL-ICDL reconnòschidas ACCREDIA;

Bidu s'ischema de cunventzione allegadu a s'atu presente pro nde fàghere parte integrante e sustanziale, chi previdit, tra sas àteras cosas, su patrotzìniu gratùitu e s'impignu a sa promotzione e divulgatzione de s'iniziativa tzitada dae parte de su Comune, e puru s'aplicatzione, dae parte de s'iscola de formatzione, de un'iscontu de su 50% subra de sos custos pro sos iscritos a sos cursos residentes in S'Ulumedu;

Achisidu su parre favorèvole de regularidade tècnica, esprimidu in cunforma a s'art. 49 D. Lgs n. 267/2000;

Cun votos favorèvoles de acordu esprimidos in forma crara,

DELÌBERAT

Sa premissa narrativa costituit parte integrante e sustanziale de s'atu presente;

De acollire sa rechesta perbènnida dae sa Nuova Scuola Internazionale s.r.l. de Tàtari pro su patrotzìniu gratùitu in mèritu a s'acumprimentu de percursos formativos ispetzìficos siat a livellu base chi avanzadu;

De approvare s'ischema de cunventzione, allegadu a s'atu presente pro nde fàghere parte integrante e sustanziale, pro s'organizatzione de custos cursos, cun sa previsione, pro sos iscritos residentes, de un'iscontu de su 50% subra de su preju;

De dare atu chi su Comune at a contivigiare, in sos modos apretziados prus idòneos, sa promotzione

Documentu informàticu firmadu a manera digitale in cunforma a cun sos efetos segundu sos art. 20 e 21 de su D.Lgs n.82/2005; sostituit su documentu in pabilu e sa firma autògrafa.

e divulgatzione de s'initiativa, finalizada a giùghere a connoschèntzia de su progetu su nùmeru prus mannu de utentes prevididu;

De declarare, cunsiderada s'urgèntzia de dare esecutzione a s'atividade programmada, sa deliberatzione presente esecutàbile a manera immediata, in cunforma a s'art. 134 comma 4 de su D. Lgs. n. 267/2000.

Lèghidu, aprovadu e sutascritu.

SU SÌNDIGU

Av. Mario Antonio Faedda

SU SEGRETÀRIU GENERALE

**su Segretàriu Generale: Dr.
GiuseppeManca**

Traduzione de s'operadora de s'isportellu linguisticu de S'Ulumedu
Maria Leonarda Correddu